

# **Dissertatio inauguralis de spasmo vesicae / [Johann Adam Kulmus].**

## **Contributors**

Kulmus, Johann Adam, 1689-1745  
Ettmüller, Michael Ernst, 1673-1732  
Universität Leipzig (1409-1953)

## **Publication/Creation**

Lipsiae : Litteris Jo. Christiani Langenhemii, [1732]

## **Persistent URL**

<https://wellcomecollection.org/works/t6fk9rqc>

## **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

Q. D. B. V.

DISSERTATIO INAUGURALIS  
DE

SPASMO VESICAE

Q V A M  
C O N S E N S V

GRATIOSISSIMAE FACULTATIS MEDICAE  
*SUB PRAESIDIO*

DN. D. MICHAELIS ERNESTI  
ETTMÜLLERI,

PROFESS. PATHOL. PVBL. ORDINAR.,  
ARCHIATR. ET COMIT. PALAT. CAESA-  
REI, S. R. I. NOBILIS, ACADEMIAE LEOPOL-  
DINO-CAROL. DIRECTORIS, VNIVERSI-  
TATIS LIPSIENSIS DECENVIRI, FACULTA-  
TIS MEDICAE SENIORIS, ET MAIORIS PRIN-  
CIPVM COLLEGII COLLEGIATI,

*PATRONI AC PRAECEPTORIS OMNI  
HONORIS CVLTU VENERANDI,*

PRO GRADV DOCTORIS  
IN MEDICINA RITE OBTINENDO

*AD DIEM XIX. SEPT. A. MDCCXXXII.*

H. L. Q. C.

PLACIDE PHILIATRORVM EXAMINI  
SISTIT

IO. ERNEST. KVLTVS, Dantisc. Boruff.  
MEDIC. BACCAL.

---

L I P S I A E

LITTERIS IO. CHRISTIANI LANGENHEMII.







# CONSPECTVS DISSERTATIONIS.

- §. I. *Definitio Spasmi in genere eiusque differentia suppeditatur.*
- §. II. *Subiectum morbi in genere declaratur.*
- §. III. *Spasmi externarum partium variae recensentur species.*
- §. IV. *Quod nonnunquam spasmi quamplurima membra et totum fere corpus humanum simul infestent, comprobatur.*
- §. V. *Internarum partium spasmi proponuntur.*
- §. VI. *Continuatio huius materiae subsequitur.*
- §. VII. *Infimi ventris spasticae examinantur constrictiones.*
- §. VIII. *Sedes huius morbi sistitur in specie.*
- §. IX. *Connexio vesicae cum aliis partibus ostenditur.*
- §. X. *De modo, quo spasmus partes corripit, agitur.*
- §. XI. *Varia et diuersa huius morbi exponuntur symptomata.*
- §. XII. *Causae intra vesicam haerentes sequuntur.*



§. XIII. *Eaedem in partis huius membranis hospitantes causae adlegantur.*

§. XIV. *Lotium quomodo hunc spasmum producere possit, euincitur rationibus variis.*

§. XV. *Aliae in vesica variae haerentes causae enarrantur.*

§. XVI. *Extra vesicae cauum, quae adsint causae, proferuntur.*

§. XVII. *Tandem causae in partibus cum vesica connectentibus recensentur.*

§. XVIII. *Quaenam subiecta ad hunc morbum sint disposita, disquiritur.*

§. XIX. *Signa exhibentur huius morbi in specie.*

§. XX. *Prognosis denique additur.*

§. XXI. *Traditur iam Therapia.*

§. XXII. *Adplicatur ad diuersas causas cura.*

§. XXIII. *Continuatur haec medicamento- rum adplicatio ad alias causas.*

§. XXIV. *Inueterati morbi medela instituitur.*

§. XXV. *Euporista ac tonum roborantia remedia commendantur.*

§. XXVI. *Ultimo maxime suadetur, dietae rationem simul habendam esse.*





## PRAEFATIO.

**S**I quae morborum nomina, in hominum frequenter versentur ore, erit certe et *Scorbuti* et *Spasmi* denominatio. Non enim raro accidit, ut quas corpori praeter naturam accidentes affectiones, inprimis paulo abstrusiores, propria sua voce insignire nequeat vulgus, ne nil dixisse videatur, ita appellet. Interim ut verum fateamur, tam



saepe accidere videntur spasmi, quam bene multi alii affectus vix ac ne vix quidem aegrotos inuadere deprehenduntur. Nec quicquam obstat, quod haud vnico exprimantur nomine: ab vnica enim matre, sat fertili, tam variae productae sunt species, vt si omnes colligas, catalogum inuenias prolixum. Proinde non abs re fore opinor, si dum specimen profectuum, quos in salutari arte fecerim haecenus, *Dissertatione Inaugurali* edendum est, hoc perutili labore perfungar, et *Spasnum Vesicae Vrinae* sistam. Hunc autem seruabo ordinem, vt in genere spasmi prius euoluam naturam, quam in specie de vesicae spasmo agere suscipiam. Tandem breuem, ast rationalem viam, ad malum hoc aut penitus arcendum, aut minimum mitigandum, proferam.



§. I.



Spasmus graecum nomen, ciui- *Definitio*  
tate latina donatum, in gene- *spasmi in*  
re vi vocis conuulsionem de- *genere*  
signat, atque modo late acci- *eiusque dif-*  
pitur, omnesque iam conuul- *ferentia sup-*  
siuos motus ac epilepsiam in- *peditatur.*  
primis sub se comprehendit;  
modo autem stricto in sensu

musculos rigidos ac immobiles esse saltem innuit. Et sic stricte hic assumptus, nobis quoque denotat, inuoluntariam, constantem, et plerumque dolorificam musculosarum partium ac fibrarum contractionem, quae partem adfectam omni prope-  
modum mouendi potentia priuat. Hac autem  
ratione, quamuis in plerisque Veterum scriptis  
ingens reperiatur confusio cum motibus conuul-  
siuis, immo in quibusdam cum epilepsia, magnam  
tamen hos inter adfectus differentiam esse consti-  
tuendam, crediderim. Dolores enim quos spasmo  
adfecti aegri percipiunt, saltem non prorsus nesciunt  
accusare in paroxismo constituti epileptici, verum  
etiam in conuulsiuis motibus homines non stabi-  
lem, sed reciprocam ac alterantem partium adfecta-  
rum tensionem experiuntur. Omnis deinde qui-  
dem contractio musculi morbo obsessi eadem, ut in  
sanis, fit ratione, saltem quod coacta naturali longe  
plerum-



plerumque sit vehementior. Quod ipsum inde clare patet, cum nec voluntatis determinatione, nec manuum adhibita opera, nec instrumentorum semper adplicatione, quam certe mirandam vim observationes hinc inde probant, flectere aut dirigere partem adfectam valeant. Quae igitur musculosarum partium fortissima contractio atque abbreviatio ab influxu spirituum animalium, siue fluidi nervosi, largiori dependet, atque quemadmodum hac ratione alias in corpore nostro ordinatae subsequuntur motiones, ita tum temporis hi motus, equi ad instar indomiti saeviunt, et frenis quasi laxatis, refragante voluntate nostra, pertinacissime aegrotos adfligunt.

## §. II.

*Subiectum  
morbi in ge-  
nere declara-  
tur.*

His ita constitutis, non est cur litibus de subiecto generali adfectus huius longe lateque motis multum inhaereamus. Quod enim cerebrum, cerebellum et medulla spinalis, cum nervis horumque fluido et inde contextis musculosis partibus variis, pro differenti corporis regione, afficiantur, de eo nulli dubitamus. Sensus enim inde excitatus exquisitissimus, nonnisi in sensorio communi hospitans, cum morbi inuasionem subitanea partisque constrictione veloci, tale quid euincere videtur. Interim id mihi breuibus verbis declarandum adhuc erit, spasmum in vniuersalem ac particularem plerumque a practicis discesci. Et quum hic morbus vel totum muscolum, vel certas in hoc saltem fibrillas occupet, occasionem id dedit medicis, diuidere spasmum



spasnum in muscularem ac fibrillarem ; qui vltimus potissimum in doloribus arthriticis occurrit.

## §. III.

Varia autem morbi huius in variis partibus *Spasmi exter-* denominatio testatur abunde, ingentem partium *narum parti-* spasmo obsessarum esse numerum, regionemque ac *um variae re-* partem corporis et externi et interni dari prope- *consentur spe-* modum nullam, quae non hinc inde eo torqueatur *cies.* misere. Nunc enim in *spasmo cynico* musculi dimidiae faciei et oris, ringentem repraesentantes canem, contrahuntur; mox in vtraque parte id ipsum animaduertitur, et ridentis sistit speciem, in *risu* nempe *Sardonico*. Nunc oculorum instrumenta, motioni praefixa, in motum coactum in *strabismo* rapiuntur; aliter et maxillae et temporum musculi irritantur non sine dentium stridore in *trismo*; atque tam firmiter inferior maxilla nonnunquam cum superiori coniungitur, vt aut plane non, aut difficulter aperiri possit. Iam autem occiput in aliis, caput rigidum tenentibus, vt flectere nesciant, continuo spasmo obsidetur, vel collum cum ceruice plenarie ab hoc morbo libero suo in *rheumatismo* priuatur motu. Et cutem ipsam a tali strictione labe non esse exemptam, durior ille ad sensum tactus, cum pororum eius in papulas eleuationibus, cumque sanguinis ad truncos interiores maiores propulsione tam stricte coniunctus, vt et vasa alias tumida vix filum tenue repraesentent, id abunde indicare videtur. Qualem constrictionem in omnibus sub cute, et in artubus aequae superioribus ac inferioribus locatis musculis, non sine do-



lore nonnulli experiuntur. Thoracem mouentium instrumentorum spasmus, *incubum* vulgo dictum, qui respirationem admodum laboriosam reddit, cum illo, qui dorsi inprimis occupat musculos, superioribus recte accensemus. Nec excipienda *pleuritis spuria* erit, quae similiter in musculis pectoris partibus vitium reconditum gerit, ut non nisi tensivas, et ob sanguinis per arterias compressas interceptum fluxum, tempore inprimis respirationis prementes et pungentes creent sensationes. Ac quanquam abdomen in parturientibus, durioris asseris instar coarctatum, magis ad naturalem foetus exclusionem pertineat, non raro tamen et post partum, in hypochondriacis aliisque, non ab simili modo conspicitur constitutum. Penis si perpetuo et contranitente voluntate erigitur, recte spasmus, quem *priapismus* dicimus, occupari exprimimus. Quemque alii in femore, furis, pedibus, humero, cubitu, manibus ac digitis perferunt, quanquam breuiori interdum circumscribatur periodo, iure tamen ac merito in censum nostrum venit, quo magis vehementiori conatu eo increuit, ut testantibus hinc inde Medicorum obseruationibus in ossium desierit plane fracturas, *vid. Miscell. Nat. Cur. An. 2. obs. 225.* De *Chiragra* ac *Podagra* non est cur multa proferam, quippe hi morbi, dum grauius homines excruciant, spasmus insignem adesse satis testantur.

## §. IV.

*Quod spasmi  
quamplurima*

Nec saltem malum hoc solitarias corporis partes ac regiones inuadere solet, sed interdum intra



intra vnam vel alteram horam plus simplici vice totum, *Tetani* nomine corripit, corpus. In aliis vero antrorsum in *Emprosthotono*, in aliis retrorsum in *Opisthotono*, in aliis cum corporis partium retenta figura, quam cum corriperentur habebant, in *Catalepsi*, vniuersus cum artubus constringitur truncus, non sine spectaculo miro, ast tristi.

*corporismembra simul infescent.*

## §. V.

Sicuti autem affectus spastici externi maxime in oculos hominum incurrunt, ita horum interni, qui organa interiora et ipsa viscera grauiter et varie exagitant, dantur non minus varii. Hostem hunc ex musculis conflatae partes internae experiuntur, adeoque et lingua, quae in *Tetano*, vt nuper mihi videndi contigit occasio, cum aphonia, ad breue tempus inducta, rigida obseruatur: qualis et linguae immobilitas instar ligni in ore haerentis in *Miscell. Nat. Cur. Dec. II. ann. V. et VII. obs. 9. et 15.* allegatur. De spasmodicis fibrarum gulae longitudinalium ac transuersarum motricium contractionibus, quae cavitatem oesophagi stringendo imminuunt, et boli quasi inhaerentis sensationem inducunt, aut deglutienda neutiquam admittunt, quosdam casus *Horstius dec. 5. cas. 2.* et *Willis* referunt, ac rem ita se habere satis constare videtur. Id interim magis admiratione Anatomicorum dignum censetur, hunc affectum nec musculis inter tracheae et bronchiorum cartilagine annulares sitis, totius corporis fere minimis, mesochondriacis alias dictis (a), parcere. Quandoqui-

*Internarum partium spasmi proponuntur.*



doquidem in asthma sic dicto conuulsivo, hos ipsos non leuiter affligi rectius hodie innotuit. Equidem ob perpetuam cordis requisitam functionem, idem a tali constante contractione liberum permanere censendum est, quod vero et palpitationis cordis et variae pulsus species, de conuulsionum praesentia testimonium perhibeant, res in aperto est: quare et plenarie cor nostrum haud eximendum a spasmo esse, iudico. Idem de septo medio esto iudicium, quod ob continuam respirationis functionem praestandam non spasmis stabilibus, sed reciprocis, propter nervos in utroque eius musculo connexos, in singultu sat grauiter tentatur.

## §. VI.

*Continuatio  
prioris.*

Conqueruntur homines satis frequenter stomachum morbose constringi, nec fabrica eius musculosa atque nervosa hac a re abludit. Immo quin superius ventriculi orificium ob largiores, quibus donatur, nervos (b) in cardialgia, a variis causis excitata, angatur strenue, neminem dissentientem fore arbitror. Si quis porro illam, quae de Colica Spasmodica contingit, totius abdominis coarctationem probe animaduertit, ab intestinis nunc tenuibus nunc crassis, mire torminibus crispatis vel aliter contortis, hanc deriuandam esse sane profitebitur. Quae ipsa eo usque intenditur non raro, ut vel clysmata non nisi summa cum difficultate, ob ani orificium fere clausum, iniici possint.

(b) Andr. Vesal. de human. corp. fabr. Lib. V. fig. 14. 15. lit. T. V. X. Y.



sint. Ne quid iam amplius proferam de torminibus motibusque vehementioribus, quae et in deiectionibus alui se quandoque exferere solent.

## §. VII.

An et cetera viscera infimi huius ventris huic affectui exponi nonnunquam queant, quaestio si sit: *Infimi ventris spasmodicas constrictiones examinat.* Non possum non ad splenis humani fibrosam vasisque quampluribus interpositam (c) structuram, ac aliqua ex parte muscularem fere recurrere, quippe quae in lienem simile quid cadere posse non prorsus abnuit. Accedit peculiaris, venarum texturam hisce in partibus adiuuans, nervosa quodantenus membrana, venam inprimis portae, capsulae Glissonii nomine, (d) inuoluens, cui partium dispositioni in spasmodicis infimi ventris, cum passione hypochondriaca insurgentibus turbis, eandem morbosam plane denegare nolim stricturam. Nec minus fellis folliculum, iracundiae ac furoris tempore, tale quid nonnunquam pati, cum collectae ibidem bilis effusione, vero videtur simillimum. Quamuis autem fibris carneis haud copiosis ac musculosis gaudeat mesenterium, ob plexum tamen nervosum robustum, intestinis simul communem, eodem quo haec non raro afficitur tempore. De vena portae eiusque ramis multa addere superuacaneum esse duco, cum, qui congestiones ex transitu sanguinis per hepar denegato in splene, intesti-

B 3

nis,

(c) Fried. Ruyfch. Thesaur. anatom. VII. Tab. I. fig. I. lit. A.

(d) Francisc. Glisson. Anatom. hepat. Cap. 25.



nis, haemorrhoidalibus vasis oboriri neget, nemo nisi forsitan hospes in praxi medica censendus erit. Quid de renibus ac vreteribus hoc in genere dicendum sit, nephritici exemplo suo, ni fallor, clare comprobant, qui propter naturalem tubulorum renalium stricturam ipsa aqua tenuius lotium plerumque effundunt. De vtero, tubis Fallopiianis et vicinis aliis partibus passiones sic dictae hystericae cum concurrentibus vniuersis, spasmum indicantibus symptomatibus, testimonium perhibent. Et cum spasmus morbus omnium fere viscerum infimi ventris, merito dici possit, quotus est quisque, qui vesicam vrinariam ab hoc crudeli hoste iudicet liberam? Causis vero ductus variis hanc mihi cum primis spasmorum speciem, quae vesicam vrinariam infestat, missis nunc reliquis, vltro peruestigandam sumo.

## §. VIII.

*Sedes morbi  
sistitur in  
specie.*

Morbi huius sedes sistit vas in pelui sub peritoneo situm, variis constans tunicis et vasis, tam receptioni et asseruationi lotii in renibus secreti ac per vreteres deducti, quam iusto tempore emissioni eius, destinatum. In pelui dixi vesicam vrinariam, quae in fundum et ceruicem a medicis diuiditur, esse collocatam, siquidem exonerata lotio suo fuerit; in cauum abdominis e contrario assurgit, expandendo se, vbi idem colligit. Ita autem sub peritoneo continetur, vt fundo suo expansa eleuet illud, supra os pubis ascendens, compressa vero eidem descendendi spatium concedat. Ast prouti vesica vrinaria vreterum expansionem duntaxat



xat esse videtur; ita hanc tres inprimis membranas obtinere, quemadmodum hoc in illis quoque obseruatur, autopsia anatomica nos edocet. Prima adeoque exterior a peritoneo proueniens communis (e) appellatur, ac reliquas abdominis cingit partes. Hanc muscularis excipit, quae carneis fatis, per totum vesicae ambitum excurrentibus fasciculis, ditari animaduertitur: quare et hasce fibras musculosas, quae circa eius fundum expanduntur, nonnulli anatomici musculus detrusorem urinae (f) appellant. Quae fibrae musculosae; an longitudinales saltem sint, vt *Excell. Bohnius* id contendit; an vero simul transuersales, vt plerique anatomici id asserunt; aut an potius ex circulari et ex transuersali serie, priori iuncta, adeoque triplici constent, prouti *Beddevole Essais d'Anatomie Disc. 20. p. 184.* statuit, quaestio adhuc moueri quidem poterit. Verum si separatum tamen quoddam eius frustulum in fibrosas huius membranae series resoluamus, illas in omnes fere dimensiones excurrere animaduertimus, ita vt hac ratione cum *Eustachio* (g) sentire haud dubitemus, qui easdem radiatim ex pluribus punctis excurrentes delineat. Et sane si porro ingentem, in quam expandi potest, pensitemus molem, vt in adulto libram vnā ac vltra lotii capiendi par sit; deinde si ad constrictionem excretio-

---

(e) Cheseld. de Lithotom.

(f) Douglass. in descript. muscul. human. corp. et quadruped. Cap. XXII. §. 108. item Morgag. epist. anatom. I. n. 60. 61.

(g) Eustach. Tab. XXII. fig. 7.



cretionis tempore firmissimam, vt nonnunquam vix amygdalae nucleum suscipere queat, illaesa tamen ouata semper figura, probe adtendamus, in omni vesicae puncto idem fibrarum musculosarum praesto esse robur, nobis persuadeamus, necesse erit. Non vero assequor, quare non cum *Celeb. Heistero* (h) cellulosa quandam inter primam et secundam collocare adhuc possem membranam, pinguedinis ibidem asservationi destinata, cum haec veris cellulis distincta et quandoque in brutis pinguedine larga praeditis manifesto appareat. Interior glandulosa tandem tunica, neruea aliis dicta, ab infimo mesenterii plexu neruoso, (i) vtriusque intercostalis ramo interiori, et ab aliis ex osse sacro propullulantibus neruis originem trahit, vasisque sanguifluis (k) intertextis atque glandulis (l) hinc inde mucosis, inprimis circa collum vesicae, donatur, quae pro interioris superficiei muco excernendo inferuiunt. Praeterea adhuc quidam peculiare fibrarum musculosarum fasciculi circa huius collum deprehenduntur, qui sub rectis fibris prioribus transuersim, aut secundum *Barthol. Cent. 4. epist. 52. p. 332.* annotante *Borrighio*, semi obliquae excurrunt, inque viris cum intestino recto ac ani musculis, in feminis cum vagina vteri connectuntur, atque Sphin-

(h) Heist. Compend. Anatom. p. 258. not. 24.

(i) Willis. de cerebro et neruis et Viessen. Neurograph. it. Morgagn. adv. II, 71. et V. 101.

(k) Rhuyssch. Thesaur. anatom. X. p. 50.

(l) Graaf de organ. genit. Tab. V. item Drake Anthropol. Lib. 1. cap. 20. Tab. III. fig. 1. lit. h.



Sphincteris vesicae (m) nomine insigniuntur communi. Qui dein satis valide ceruicem iam ambiunt, atque cum aliis adiacentibus musculis (n) impediunt, quo minus sic absque voluntatis determinatione vrina exire possit.

## §. IX.

Connexionem deinde variam vesica urinaria cum quamplurimis partibus alit. Quippe singulari fere modo (o) ac prorsus aliter in humano corpore quam in brutis, ossi pubis per peritoneum adhaeret. Et cum partibus aliis genitalibus per vrethram, cum vmbilico per vrachum et arterias vmbilicales, aliterque in viris cum intestino recto, quam in feminis cum vteri vagina connectitur, (p) atque per vasa hypogastrica, spermatica et per vesiculas feminales ac vretes iterum renibus aliisque partibus coniungitur.

*Connexio vesicae cum aliis partibus.*

## §. X.

Sede igitur morbi, (§. VIII. et §. IX.) vt puto, satis exposita, spasmus in membrana hac musculosa, diuersae seriei, neruisque intertextis, quam maxime

*De modo quo spasmus partes corripit, agitur.*

hospi-

(m) Fallop. obs. p. 440. Graaf. cit. l. Tab. X. et XI.

(n) vid. Archiatri Regii ac Viri Celeb. Aug. Fried. Waltheri Anatome repetita, quem Fautoris ac Praeceptoris nomine debite semper venerari, haud desinam.

(o) Vesal. cit. l. Libr. V. fig. 2. 3. 6. lit. N. fig. 20. lit. P. fig. 22. lit. V. fig. 24. lit. T.

(p) De hisce vid. Patru mei Io. Adam. Kulmi, quem Parentis nomine ad cineres usque filiali pietate merito prosequor, Tabulae Anatomicae, nuperrime editae, et quidem Tab. XXV. eiusque annotat.



hospitari censeo. Enim vero quodsi nerui variis ex causis irritentur, non poterit non carnearum fibrarum congeries inde constringi insigniter. Nam dum filamenta nervosa fluido suo subtili dilatantur, omnem fibrarum musculosarum compagem ampliore quasi, simulque brevior, reddunt. Proinde cum vesica in naturali sua conditione, hac propria sua vi, musculosis fibris insita, non solum comprimatur, sed robur quoque musculorum abdominalium exspectet; in statu tamen, qui eidem est praeter naturam, non voluntariam horum instrumentorum desiderat semper actionem, sed et involuntarie per nervum intercostalem, et surculos per os sacrum prodeuntes, (§. 8.) atque a cerebello maxime ac medulla spinali oriundos, afficitur tantum. Licet minime hac ratione negare audeam, haud raro hoc in viscere spasmus quoque oboriri, si aliae musculosae partes, quibus arcte vesica coniungitur, hoc morborum genere inuaduntur. Hinc tamen est, quod nec voluntate nostra morbus emendari villo pacto possit, sed diu saepe haec pertinacissime persistat strictura.

## §. XI.

*Varia  
diuersaque  
huius morbi  
symptomata  
exponuntur.*

Prouti vero plures sunt regiones et loca, quae in vase hoc notantur, ita et differenti prorsus ratione alia prae aliis affligi solent. Fundus vesicae, si cum vitio hoc conflictetur, propter singulares nervorum ramos (q) irritatos, qui stricturam ibidem fibrarum musculosarum, ceteris partibus bene

se

(q) Vieuss. in Neurograph.



se habentibus, ingentem efficiunt, incontinentiam urinae producit; cum contra integra plane lotii suppressio sphincteris colli non raro spasmus excipiat. A renibus per vretes propagatur nonnunquam ad vesicam usque quaedam morbosa strictura: quid ergo mirum, si et reliquae in pelui ac lumbari regione contentae partes inde tristem experiantur sensationem? Quae omnes ac singulae vesicam simul efformantes partes ac regiones non successiue, sed quod mirandum, vnico quandoque impetu se constringunt, atque grauissimos dolores excitant. Et nisi me omnia fallunt, haec vltima species non tam raro sed forte crebrius, quam venditari solet, obuenit, eoque magis quo arctius hac in parte inuicem connectuntur et nerui, et vasa, et inde formatae membranae. (r) Urgetur hinc quidem lotium, corpore vesicae vniuerso se constringente, sed concurrente simul coarctatione colli egredi haud poterit: quare taedii plenam excitabit frictionem, interiora vesicae latera inter, et humoris superficiem. Nec obstat quicquam, si vel minor urinae copia collecta antea fuerit, aut plane nihil; ibi enim maiorem fortiolemque contingere actionem in humorem, hic vero fortissimum affricum laterum inuicem, arbitrari decet.

## §. XII.

Quemadmodum autem hoc malum causam suam interdum in se continet, interdum extra se positam agnoscit; ita vulgari clinicorum elocutione

*Causae intra vesicam haerentes sequuntur.*

C 2

ne

(r) vid. Graaf. de organ. gen. cit. l.



ne nunc idiopathicum nunc symptomaticum dici meretur. Quas internas inter causas eminent, quaecunque manifesta vi pungente, rodente, stimulantique praeditae sunt: ut asperior lapis, sensim ibidem collectus, concretus pariter et adcretus non saltem posteriori vesicae parti, sed et, ob asperam inaequalemque suam superficiem hiatis multis refertam, tunicis internis se hinc inde insinuans, atque pro vario corporis situ, variaque vesicae euacuationis tempore habitudine, locum suum pristinum cum nouo attritu molesto permutans. Iam autem ex dictis constat, omnem sensatione praeditam partem quouis acuto, pungente, lacerante, ac distendente corpore, eatenus crispari, quatenus in his nervis, qui aegre afficiuntur, vel in tota male affecta parte fluidi nervosi irritatio alio atque grauiori naturali modo contingat; ut adeo constet, hanc abbreviationem musculorum vesicae vrinariae fasciculorum potissimum fieri, propter nervosas horum vel dilatatas vel aliter commotas copiosissimas fibrillas. Prouti ergo calculus, vel alia huius irritationis causa, vesicae quandam occupat regionem, differenti se id manifestare solet modo. Vbi enim fundo eius adhaeret, ac huius constrictionem efficit, lotium antea collectum mox effluet, quanquam minori semper in copia, et quandoque sine voluntate nostra. Nam quod sphincteris actio ab hoc potentiori fundi musculo corporisque coarctatione praesertim inuoluntaria, multum superetur, pro indubitato habeo. Quando vero alio tempore vesicae collum et sphincteris regio ab eadem causa graui-



grauiter affligitur, idem spasmus, ast cum plenaria lotii suppressione, tanquam contrario effectu maxime coniunctus, plerumque oboritur. Imo si malum denique totum obsidere vas cernatur; vel si ab asperitate lapidis ac figura eius angulosa undique fere vesica urinaria stimuletur; aut si huius latera tophacea quadam et fabulosa materia prorsus incrustentur, quemadmodum id nonnullae observationes (s) comprobant, spasmus ille iterum aliis cum symptomatibus, vel urinae suppressionem grauissimam, aut huius stillicidium perpetuum efficit.

## §. XIII.

Quo autem vesica maxime ex membranis conflata (§. VIII.) ab acore lotii immunis praestetur, non sine salutari prouidae naturae scopo factum est, ut interior eius superficies humore lubricante pingui, vinctuoso, in glandulis tunicae interioris ab arteriis secreto, obducatur. Denudata hac superficie, intertrigine quasi adfecta, non poterit non vel serum blandissimum molestiam creare, nedum si acrimonia maiori praeditum fuerit. Constat autem abunde, eundem liquorem lentum, per calculos hinc inde motos, taediosumque attritum, in miseris saepenumero, non sine totius vesicae dolore notabili, abradere.

*Earundem in  
membranis  
vesicae hospi-  
tantium cau-  
sarum con-  
tinuatio.*

(s) vid. Bagliuius, item Viri Magnifici ac Praeceptoris mei pia mente deuenerandi, Polycarp. Gottlieb. Schacheri peculiare illud hac de re ante paucos annos conscriptum eruditissimum programma.



di. Ac quanquam ex vitio glandularum obstructarum, quae huius liquoris secretioni praeesse nequeunt, deficere quandoque possit, perraro id tamen observatur: licet accidat quandoque, ut ex defectu materiae talis gelatinosae in ipso sanguine, si colliquefacta fuerit per hecticum calorem, vel alia ratione, tale quid eueniat. (t)

## §. XIV.

*Lotium quae  
ratione mor-  
bum produ-  
cat.*

Lotium ipsum, quod in naturali suo statu, tametsi diu asseruetur, in corpore nullum dolorem inducit, ab hac sua conditione interdum adeo deflectere, experientia satis superque testatur, ut mordax acriusue redditum, quas attingit partes, iam irritet laedatque grauitur. Quam mutationem cum, testante Chemia, sola digestio in phiala instituta intra exiguum temporis spatium perficiat, dum vel blandissima vrina mire postmodum alcali prodatur, quidni et mora in vesica eidem largiter concessa, quemadmodum in soporosis affectibus id fieri solet, similem lotii metuendam mutationem efficere poterit? Variarum autem huius acoris species non eodem partes afficient modo, sed altera praeter altera fortior magisque ad dolorem ac laesionem inducendam aptior, censenda erit. Acida tam vegetabilia quam mineralia, nativa et arte parata, vias  
vri-

(t) vid. passim hac de re in suis scriptis practicis, Forestus, Clariss. Ettmüllerus, Sennertus imo et Bartholinus in obseru. variis.



vrinae transmissioni destinatas, stimulant aperte. De muriaticis ac aliis perfecte falsis res notior est, quam vt probari multis debeat. Acrimoniam vero dari nullam, quae oleosas partes quibus interior vesicae superficies dicto supra modo obducitur, magis soluat, quam lixiuiosam siue alcalicam, chemica pariter docent principia, ac saponis vulgaris confectio asserti veritatem abunde comprobat. Eoque magis hoc ipso sua pinguedine priuabitur, quo melius cum calce viua, vel similibus terreis lapidosisque vstis, commixtum antea sal fuerit alcalicum. Eadem lixiuiosa cum oleosis seu pinguibus in saponem mixta, quod nimio vsu similes pinguedini huic insidias struere valeant, domestica quotidie illustrant experimenta; cum eius soluti opē omnis pinguis et oleosa spurcicies de partibus corporis ac manibus egregio at simplici artificio auferatur. Quibus vrinosis salibus et illud cantharidum sal volatile acerrimum est annumerandum, cum impetu ac vi stimulandi omnia reliqua salia multum superet. Scilicet non simplici vice factum est, vt cum in virulento feminis profluuio ad acrem propellendam materiam, aut alibi in impotentibus, ad stimulos venereos suppeditandos, hoc insecto haud caute vsi fuerint medicastrī, aegrotantes postmodum in horrendos cruciatus pressorios atque spasticos, se delapsos esse clamarint. Id interim magis mirum merito videtur, humores quoque blandiores visos: cereuisiam nempe non satis defoecatam, vinumque inprimis paulo austerum, ob acorem latentem in sensibilibus subie-



subiectis et post subitaneam cum triticeo vel alio hordeaceo potu commutationem, strenue vesicam torquere; sicuti in illis non raro spasmos ac tremores experimur, qui Baccho vel Rhenano potu auide nimiumque delectantur.

## §. XV.

*Aliarum in corpore vesicae sitarum causarum narratio.*

Nec raro accidit, ut a stagnante variis ex causis sanguine, hinc inflammatione, vesica corripitur, quae, dum perdurat, aut fin minus discutienda per suppurationem in vlcus degeneret, vel in scirrhum mutetur, semper sufficientem pertinacissimi spasmi occasionem praebet. Cum enim in inflammatione tendantur mire partes, in vlcere rodantur, dilacerenturque, in scirrho et alio quouis tumore vasa premantur fortiter vel prorsus occludantur, ingens vtrumque neruosarum partium dolorosa strictura abesse haud poterit. Addo a veteribus iam decantatam illam *scabiem vesicae*, quae in huius exulceratione cum squammularum perpetuo secessu consistit, et cum prioribus tortorem perpetuum excitans, huic morbo atque spasmis quam maxime ansam omnino suppeditare iam valet.

## §. XVI.

*Extra vesicae canum, quae adsint causae.*

Ordo nunc nos ad eas peruestigandas causas ducit, quae extra corpus vesicae quidem constitutae deprehenduntur, attamen hunc spasmum quoque excitare valent. Quid igitur frigus intensum, improvide corpori admissum, si regio inprimis of-

sis



sis pubis vel totius abdominis haud probe vestibis muniatur, quid varia alia nociua ingesta acrium, austerorum fructuum et potulentorum incongruus vsus, vel drastica purgantia, aut diuretica medicamenta inadaequate adhibita hoc in genere efficere valeant, haud difficilis erit indaginis. Motum nimium, inprimis per equitationem diutius protractam institutum, ob sanguinis vehementiorem commotionem, ac congestionem ad trunci inferiores partes, extendendo vasa vel nervos intertextos premendo, similem non raro produxisse effectum, et *Riuerius Cent. 1. obs. 89.* et alii Practici comprobant. Nec heterogenea illa omnia, quae quandoque cum lotio excernuntur, in accusandis huius spasmi diuersis causis prorsus eximenda erunt, quorum frequentiora sunt: calculi asperiores, (§. XII.) ac pus, (§. XV.) siue illud ibidem generatum, siue per renes ex sanguine reliquo secretum, et hinc duntaxat depositum fuerit. Quorsum et virus venereum per obscenum et impurum coitum in vrethrae tubum immissum, partibus his sensim communicatum, pertinet; imo quin etiam iniectiones acriores, quae ex vitriolo, alumine, et ad vlceris deterfionem ac consolidationem syringae ope haud caute nonnunquam vrethrae immittuntur, iure huc referantur, nullus dubito. Et quid tandem effrenata venus, dum partibus musculosis rigiditatem nimiam plerumque concedit, in excitandis spasminis praestare valeat, non obscurum esse amplius arbitror.



## §. XVII.

*Causas in partibus cum vesica connexis, recensentur.*

Multo autem minus in adlegandis remotioribus huius morbi causis connexionem (§. IX.) partium reticere iam conuenit, quam inter vesicam ac quamplurima viscera infimi ventris per vasa omnis generis, per nervos, membranas, atque musculos, intercedere inuimus. Quaecunque igitur vlcera vel carunculae (u) vesiculas feminales, corpus prostaticum, vrethram ac penem ab impura venere, vel alia causa obsident, illa his partibus et vesicae non raro ingentem crispaturam communicare solent. Menstrua deinde mulierum magno cum dolore vel fluore albo coniuncta, grauiditas vteri ad vltimum inprimis tempus protracta, partus difficilis, sectio calculi, catheteris improuida adplicatio adhibita, et affectiones

(u) Carunculae equidem in ipsa vrethra sunt rariores, et multoties hoc vitium subesse venditatur, vbi tamen huius morbi causa potius vel in vesiculis feminalibus, et circa illud *caput gallinaeum* sic dictum, imo circa illa foramina à *Cowpero*, *Littrio*, et *Morgagnio* detecta, haeret; vel vbi ab inflata spongiosa vrethra et a varicosis vasis illud oboritur; aut si denique a cicatrice et callo, vlcere quodam inducto, vrethrae canalis coarctatur, prouti de hisce videatur *Garengot. Traité des operations de Chirurg. T. I. p. 318.* *Terraneus de glandul. in vrethra, item Brunneri obseruatio in Ephem. Nat. Cur. Cent. I. obs. 71. p. 143. ac obs. 97. p. 200. et Mr. Colot. Traité de l'operation de la taille, par une obseruation sur la formation de la pierre, et les suppressions d'urine, a Paris 1727.*



nes aliae vteri vel intestini recti, quae cum tenesmo, fistulis, vlceribus ac cum aliis a materia dysenterica vel a purgantibus drastice inductis laesionibus coniunguntur, vesicae ingentes insidias ad hunc excitandum spasmum struunt. Quod autem porro aliunde a dissitarum paulo partium v.g. renum vitio, siue illud a nephritide, siue ab exulceratione, siue denique a calculo producat, haud exclusis vreteribus proueniat vesicae spasmus, miseri saepe damno suo experiri coguntur. Tandem haemorrhoidum suppressio, ad minimum earundem molimina, non prorsus a nobis omit-tenda erunt; quae non raro, ob vasorum haemorrhoidalium externorum cum vasis vesicae connexionem (w), facile mictui cruento et huic spasma ansam quam maximam praebent. Imo nonnunquam vermes hisce in partibus ac in vesica obhaerentes, huic morbo fomitem praebuisse, observationes (x) perhibent.

## §. XVIII.

Hoc spasticum pathema corpora laxa et spon-  
giosa, quae temperiei sanguineo-phlegmaticae esse  
dicuntur, imprimis inuadere obseruatum fuit. Quae  
de re iam Hippocrates recte monuisse videtur:  
quod spastici motus sint habitioribus, quemad-  
modum

*Quatenam sub-  
iecta ad hunc  
morbum sint  
disposita.*

D 2

(w) vid. Celeb. Boerhau. instit. med. atque Heister. Compend. Anatom.

(x) vid. Celeb. D. Schacheri idem iam allegatum eruditissimum programma.



modum sic de infanti aetate et diffusiore corpore praeditis pueris loquitur. Interim tamen non plane exempti ab hoc morbo sunt homines strictiore siccioraque partium textura conspicui, quippe qui et internos tales spasmos, ob viscerum imprimis hypochondriacorum constipationem admodum sentiunt. Prae aliis autem sensibilibioris constitutionis ac animi hominibus, qui vitae tranquillae ac sedentariae dediti, impuritate scorbutica replentur, frequentius hic morbus obuenire consuevit, eoque magis quo saepius se fortioribus, quanquam breuioribus, motibus corporis, atque aëris vel anni tempestatibus diuersis, grauius exponunt. Quibus tandem omnem corporis ad nephritidem, calculum, haemorrhoides, dispositionem accensere ratio merito iubet, quemadmodum id ex causis (§. XII. --- XVII.) haud difficulter patet.

## §. XIX.

*Signa exhibentur morbi in specie.*

Quanquam autem plurimae adsint circumstantiae, nephritidem, calculum, vlcus renum, et vesicae concomitantes, quae cum huius spasmi symptomatibus plane congruunt (y), latens tamen huius morbi vitium in apicem tum producit, si dolorem constringentem maxime in inguine, in ossis pubis et peritonaei regione, cum perpetuo ad

matu-

(y) vid. Io. Lomnii obseruat. medicinal.



matulam fere stimulo, obseruamus; si deinde ad penis ipsius saepe numero erectionem, testiculorum retractionem, scrotique corrugationem ac pariter ad ani tenesimum, qui cum alui constipatione plerumque iungitur, probe attendamus. Omnia enim hisce in partibus tum tensa atque rigida fere deprehenduntur, et ipsis nostris digitis haud raro hanc a spasmo factam vesicae et muscutorum contractionem, explorare valemus. Lottum etiam illud, quod feruente morbi impetu excernitur, paucum quidem est, at turbidum, cum nisu seu desiderio plus semper excernendi. Nec raro colicae aut hystericae passiones ingruunt, quae se cum lumborum tensuo dolore, vel nunc cum totius corporis aut saltem capitis, cervicis, pedis sinistri rigore, dolore, contractione et flatuum cohibitione coniungere solent. Quorum phaenomenorum satis admirandorum aliae forsitan rationes dantur nullae, quam irregulares admodum hisce in partibus, saeuiente spasmo, corporis motus, et arcta neruorum in iisdem cum vesica praesertim connexio, qui si semel irritantur, per consensum in ceteris visceribus talia symptomata excitare haud raro valent.

## §. XX.

Quaquam autem ad prognosin formandam *Prognosis ad-*  
de spasmo vesicae asserendum fit, morbum esse *ditur.*  
grauissimum, attamen huic statim aegrotos suc-  
cumbere, si non alia grauissima symptomata simul



occurrant, haud pronunciandum esse statuo. Interim hoc nostrum augurium pro causarum gravitate, contumacia, frequentiori recurſu variaque indole nunc melioris, nunc peioris euentus erit. Quicumque enim ſpaſmus ab inflammatione, ulcere, calculo, neruoſarum membranarum eroſionibus, aut a vulnere inflictio contingit, ingens portendit periculum, inque vitae diſcrimen plerumque aegrotos deducit. Si vero ab vrinae acore, muriatico, bilioſo, acido, viarum vrinariarum eroſione, miaſmate venereo, cantharidum improvida applicatione et vermibus, vna cum lotii ardore, gonorrhoea, aſſumtisque potulentis variis non rite deſaecatis, ortus fuerit ſpaſmus, nunc facilem nunc difficilem pariter admittet medelam; eoque difficiliorem, quo magis varia corporis totius cachectica morboſaque diſpoſitio affectum hunc comitatur. m. Obſervatum fuit, ſaepe ſpaſmo veſicae paralyſin ſuccedere atque ſubſequi, et hinc deinde vel ſtillicidium aut retentionem vrinae grauiffimam oboriri. Meliori autem cum euentu quandoque paroxyſmus copioſiore vrinae reiectioe ſolvitur, atque nonnunquam penitus profligatur. Conſtat quoque et experientia quotidiana confirmatur, ſpaſmum ex vulneribus vel a cauſis externis productum, non ſolum periculolum eſſe, ſed et difficulter medelam admittere. Immo ſi ſaepe paroxyſmi recrudeſcant, vel prorsus curam reſpuat, aut ſi venter ſimul inflatur, cum vitae diſcrimine quam maximo plerumque erit coniunctus. Quod ſi denique a partium adiacentium morbo



morbo spasmus ingruat, a singulorum horum vitiorum constitutione iudicium depromendum venit. Nec aetatis, corporis, consuetudinis aliarumque circumstantiarum signa, ad prognosin dextre promendam negligenda esse, cenfeo.

## §. XXI.

Cum igitur ex dictis pateat, quod quamplurimae causae malo huic fomitem suppeditent, et admodum diuersae inueniantur, medicus spasmus vesicae suscepturus curam, varia utatur methodo, pharmacisque variis instructus aggrediatur malum, necesse erit. Quae de re calculi si culpa excitetur, lenientia, emollientia, antispasmodica, diuretica minus calida, ac anodyna remedia interne et externe varia sub forma adhibeat, et maxime clysmatibus huius census obuiam ire studeat. Quibus, calculo existente grandiori, si nil proficiatur, vtrum, aegri constitutione rite perpensa, excisioni manu artificis peragendae locus adsit, adhibita iudicii acie, hariolabitur. Vbi vero interior vesicae superficies lubrico suo vinctuosoque humore destituta fuerit, eundem omni modo per iuscula consummata, gelatinosa, lenientia, emulsiua ac oleosa, restituere allaborabit. Nec magis ad acrem humorem, nunc acidum, nunc alcalicum, nunc muriaticum corrigendum ac educendum ea praestantiora erunt auxilia, quaecunque obtundunt, temperant, diluunt, inuertunt, praecipitant et subducunt. Cui intentioni multiplici lactis imprimis tenuio-

*Therapia traditur.*



tenuioris, et quod speciatim alcalicam acrimoniam attinet, feri lactis vsum egregie satisfacturum confido, quale lac et aduersus cantharidum vim fere corrosiuam adeo sufficiens reperitur, vt, si modo affatim satis hauriatur, antidotum dici mereatur.

## XXII.

*Adplicatur  
ad diuersas  
causas cura.*

Motus fluidi subtilissimi ob neruos compressos saepe turbatur, a stagnatione sanguinis (§. XV.) plus minus visceri, vappidi, ac impuri, qui ad membranas neruofas, fibras musculofas, earumque vasa capillaria delatus, transitum liberiores huic liquido denegat. Ab iisdem igitur causis, coniunctis distensionibus, vellicationibus ac puncturis, dicto supra modo, spasmis dolorificis iam porta panditur. Eo itaque omnem medicus dirigat curam, vt obstructas aperiat partes, inflammatas resoluat, et sanguinis circulum decenter conseruet. Pro quo scopo venae sectione praemissa, tam internis quam externis antiphlogisticis sic dictis medicamentis inhaerebit. Quae ipsa sanguinis per venam eductio, in corpore plethorico ac iuuenili tam ad humorum aggrauantium copiam minuendam, quam etiam reuulsionis causa prudenter instituendam, celebrabitur. Atque quum, experientia teste, fluentium antea haemorrhoidum subitanea suppressio (§. XVII.) non saltem mictui cruento, sed et indigittae vellicationi vesicae ac spasmis, occasionem subministrat, hirudinum hoc in casu decentem ad an-

orifi-



orificium applicationem haud omiffis temperantibus, antispasmodicis ac lenientibus remediis, iudico commendatiffimam.

## §. XXIII.

Si vesicam aut adiacentes partes vlcus (§. XVII.) *Continuatio huius morbi medelae.* obsidet, morbo tum admodum rebelli, detergentibus diureticis temperatis, ac tandem vulnerariis, quidam forsan erit locus. Ita omnes iniectiones mundificantes, balsamicae ac consolidantes, modo congrue sibi subordinatae fuerint, vsu insigni haud destituentur. Si saltem ad superandam sphincteris exquisitam contractionem collum vesicae occludentem, manu suspensa catheter immittatur, atque ad indigitatum cauum perducatur, quo demum per hunc, syringae beneficio, ad affectum locum remediorum laudatorum applicatio pertingat. Quibus ipsis subiectis, si ex venereo inquinamento adhuc alias varias erosiones, atque exulcerationes circa pudendi loca persentiscant, mercurialium et reliquorum sic dictorum antiueneraeorum pharmacorum apparatus erit aptissimus. Quae remedia cum anthelminticis etiam iis optime conducent, si ab vermibus (§. XVII.) spasmus vesicae illatus fuerit.

## §. XXIV.

Quanquam autem haud obscure ex prioribus *Inueterati morbi cura.* cognoscatur, quid cum reliquis per consensum ad  
E  
vesi-



vesicam deriuatis spasmodis agendum sit, vel vnico tamen verbo illius stricture, quae fere in consuetudinem prauam degenerauit, mentionem adhuc iniiciam. Proinde aduersus dyscrasiam humorum dirigenda cura iam erit, vt praemissis praemittendis singulae huius species debitam et adipiscantur suam correctionem, et si visum fuerit, euacuationem. Cui vtrique scopo thermarum praestantissimarum, et quidem Carolinarum vsus, egregie conuenit. Non enim aquarum modo pondere, sed et partibus suis subtilissimis mineralibus, martialibus ac salinis in corpus nostrum agunt, atque non solum supra allegatis causis, sed et remotissimorum corporis locorum obstructionibus, qui spasmo contumacissimo saepe inducuntur, quam maxime prospiciunt, imo humoribus spissioribus multoque acore conspicuis, optime conducunt. Ad haec si thermae tanquam balneum quoque adhibeantur, blando suo calore partes afflictae probe fouent, neruofasque solantur. His merito denique lactis et reliquorum vegetabilium lenientium et sedatiuorum vsus adiungo, quae in thermarum locum nonnunquam felici cum successu adhibentur. Immo et prae ceteris aliquando hoc in morborum genere omnia balsamica temperata, gelatinosa, crocata, succinata, cinnabarina, castoreata et anodyna praedicare fas erit, si duntaxat, debitis adhibitis praxeos cautelis, et perspectis bene spasmodorum vesicae causis, adaequate in vsus vocentur.



## §. XXV.

Minime illa medicamenta adhuc praeterire decet, quae auertere a parte adfecta sanguinem villo queunt modo, prouti insigni sua laude omnino corruscant. Ad quae frictiones, pediluvia, embrocationes, cucurbitulae, sinapismi, aut vesicantia (z) pertinent. Erit saltem horum omnium decens eligendus locus, et respectu morbi iusto duntaxat tempore adhibeantur, ne alias felici inde frustremur euentu. Denique roborantibus ac neruinis, superato nimirum paroxysmo, si non in omnibus, in quibusdam tamen subiectis ad tonum partis haecenus labefactatum restituendum, suus debetur locus. Ad quorum censum analeptica temperata, martialia, volatilia, spirituosae, atque aromatica leniora referri solent. De acidularum et thermarum non minori roborante virtute res notior est, quam ut iterum in memoriam reuocari debeat.

*Euporista  
ac tonum ro-  
borantia re-  
media com-  
mendat.*

## §. XXVI.

Ultimo, durante non solum morbo, sed et eodem ex voto superato, atque ad auertendum malum vicissitudines caloris ac frigoris, siccitatis atque humiditatis, vitentur. Quantum enim ab his mutationibus

*Dietae rationem habendam esse suadet.*

E 2

nibus

(z) vid. hac de re Celeb. Sydenhamii scripta, item Mortonus in obseru. medic.



nibus alternatim se excipientibus, partes in spasmus pronae afficiantur, dici vix potest. Temperata e contrario ac salubris aëris vel anni tempestas omni semper conducit modo, quippe quae aequalem toni corporis servat constitutionem. Et si saepe in morbis plurimis moderata suadenda alimentorum est ingestio; hic praecipue evitandus erit acris, acidi, austeri, salis muriatici, excessus. Atque cum temperata corporis motio, omis-  
sa tantum forsitan equitatione, ingens ad sanitatem et sanguinis naturalem crasin conservandam afferat emolumentum, si quid aliud, hoc certe suadendum erit. Contra vero somni aequae ac animi pathematum habenda ratio quam maxime erit, quippe terror, moeror, vel leuissima iracundia, tantum cumulum exacerbationi huius affectus persaepe addunt, quantum vix ac ne vix quidem saluberrima consilia demere vnquam valent.

